

Na osnovu člana 130. Zakona o bankama („Službene novine Federacije BiH“, broj 27/17), čl. 5. stav (1) tačka h) i 19. stav (1) tačka c) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17) i člana 12. stav (1) tačka d) Statuta Agencije za bankarstvo Federacije Bosne i Hercegovine („Službene novine Federacije BiH“, broj 03/18), Upravni odbor Agencije za bankarstvo Federacije Bosne i Hercegovine, na sjednici održanoj dana 15.12.2023. godine donosi

**ODLUKU
O DOPUNAMA ODLUKE O IZVJEŠTAJIMA KOJE BANKA DOSTAVLJA
AGENCIJI ZA BANKARSTVO FEDERACIJE BOSNE I HERCEGOVINE U
NADZORNE I STATISTIČKE SVRHE**

Član 1.

U Odluci o izvještajima koje banka dostavlja Agenciji za bankarstvo Federacije Bosne i Hercegovine u nadzorne i statističke svrhe („Službene novine Federacije BiH“, br. 86/20, 43/22 i 103/22), u članu 1. stav (3) iza riječi: „izloženosti rizicima“, dodaju se riječi: „izvještaje koji su osnova za izračun referentne stope prosječnog ponderisanog troška finansiranja banaka u Bosni i Hercegovini,“.

Član 2.

Iza člana 2. dodaje se novi član koji glasi:

„Član 2a.

- (1) Banka je dužna Agenciji dostavljati sljedeće izvještaje koji su osnova za izračun referentne stope prosječnog ponderisanog troška finansiranja banaka u Bosni i Hercegovini:
 - 1) BA 91.00 - Izvori sredstava za izračun referentne stope prosječnog ponderisanog troška finansiranja banaka (RSFT),
 - 2) BA 92.00 - Kamatni rashodi za izračun referentne stope prosječnog ponderisanog troška finansiranja banaka (RSFT).
- (2) Banka je dužna izvještaje iz stava (1) ovog člana dostavljati Agenciji kvartalno u elektronskoj formi do kraja narednog mjeseca po isteku kvartala, a za prethodnu godinu do 31. januara tekuće godine.
- (3) Izvještaje iz ovog člana banka će dostavljati Agenciji u formi koja je propisana Uputstvom za popunjavanje nadzornih i statističkih izvještaja banke.“.

Član 3.

Direktor Agencije će u roku od 45 (četrdesetpet) dana od dana stupanja na snagu ove odluke donijeti uputstvo kojim se detaljnije propisuju sadržaj i forma izvještaja koji su osnova za referentne stope prosječnog ponderisanog troška finansiranja banaka u Bosni i Hercegovini.

Član 4.

Ova odluka stupa na snagu osmog dana od dana objavljivanja u „Službenim novinama Federacije BiH“.

**Broj: U.O.-17-04/23
Sarajevo, 15.12.2023. godine**

**PREDSJEDNICA
UPRAVNOG ODBORA**

Ivanka Galić, dipl.ecc., s.r.